





*Conuictus*

*Colonni*

DOVBLE DE  
LA LETTRE  
ESCRITTE PAR

MONSEIGNEVR LE

Prince de Condé,

*ocietatis* fuiuant le vray  
original.

*seru*

A LA REYNÉ

Regente mere du Roy, le 19. Fe-  
urier mil six cens quatorze.

*Costa L.*

*in scriptis*

A PARIS,

Chez Iean de Bordeaux, & Iean  
Millot, aux Palais.

REVUE DE  
L'ART ET DE  
L'INDUSTRIE

PARIS, 1854.

LE GÉNÉRAL DE  
L'ART ET DE  
L'INDUSTRIE.

PARIS, 1854.

PARIS, 1854.

PARIS, 1854.

PARIS, 1854.

PARIS, 1854.

PARIS, 1854.

PARIS, 1854.

PARIS, 1854.

PARIS, 1854.



# LETTRE DE MONSIEUR

LE PRINCE,

ADAME,



toute mon affection a tousiours  
esté le seruice du Roy: & bien de  
cest estat. Je l'ay du viuant du feu  
Roy tesmoigné par mō absence  
necessitée (& depuis sa mort)  
par mon prompt retour prest de  
sa Majesté, cellant les desplaisirs  
que i'ay receus des desordres que l'on a veus assez  
frequents pour empescher les mouuemens desquels  
eust peu naistre la guerre que i'ay estimée si dāgereu  
se & nuisible à la minorité du Roy, Mōseigneur: que  
i'ay creu tous autres maux plus tollerables. Si bien  
que par la grace de Dieu, vostre bōté; & ma patiēce  
nous sommes en la quatriesme année de la minorité  
du Roy, dans laquelle nous recognoissons l'accrois  
sement de si grandes confusions & pernicieux de  
sordres, que vostre susdicte bonté & nostre patience  
ne seroit assez forte pour empescher la ruine & bou  
leuersement de cest estat: prolongée iusques icy  
par des foibles & honteux remedes, s'il n'y estoit  
vertueusemēt & prudemēt pourueu par l'aduis de  
plusieurs Princes Seigneurs Ecclesiastiques, Offi  
ciers de la Couronne, & cours Souueraines.

Nous supplions treshumblement vostre Majesté

d'y pouruoir de remedes salutaires, à l'acquist du deuoir à quoy & vous, & nous sommes obligez, à Dieu, au Roy, & à la France. Supplication tres-iuste que nous eussions faite nous mesmes deuant vostre Majesté, n'eust esté que nous la voyons entournée & preoccuppée de peu de gens qui veulent regner dedans la confusion, seule cause de nostre depart, & non vostre Majesté, de laquelle sçauons les loüables intentions de tant plus remarquables que la verité vous a esté celée par ceux qui n'ont iustification que d'auoir maintenu vn peu de repos. Dans lequel ils nous ont tramé vn continuel trauail par les confusions prodigalitez, perte d'honneur & de reputation, ou ils ont prostitué tous les ordres de ce Royaume, duquel ils auoient mesuré la durée de leur vie, sans se soucier de ce qui aduiendroit apres. Repos non prouenu de leur conduicte, ains des bons François, qui amateurs de paix ont souffert toutes maluersations & charge, plustost que de susciter aucün trouble, non que tous ne vissent qu'ils circonuenoiēt vostre Majesté, partissans l'administration de ce florissant Estat entre petit nombre de personnes ayans pour tesmoins de leur foiblesse la perte de la reputation de la France aux pays estrangers, & leurs desseins cachez qui en ce grand Estat qui ne souloit rien craindre, deuoient estre sceus & ouuerts, du moins aux princes & Officiers de la Cour. On ne s'intéresse en l'estat, lesquels ils n'ont rendus participans des affaires qu'autant qu'il leur sembloit nécessaire, pour authoriser leurs deliberations apportant leur resolutions de leurs logis au Cabinet, & n'en faisant iamais conclurre vne

seule en vostre presence à la pluralité des voix. Mais les courât du maintient de l'auctorité de vostre Majesté, duquel cabinet ils sortoient pour en dire leurs arreſts aux Princes, n'ayans receu leurs aduis que par maniere d'acquieſt, tendans à susciter des enuies & diuisions entr'eux fauorisans les vns & reculans les autres, faisant deux parties pour en auoir l'vne à leur deuotion. Artifices esprouuez si desastreux aux François, recommencez soudain apres le deceds du feu Roy que Dieu absolue, rejetras les salutaires aduis de feu monsieur de Mayenne, qu'il n'estoit iuste de profiter ou rançonner la minorité de nostre ieune Roy, qu'il ne falloit rien demander & seruir ainsi que nous estions obligez naturellement: Mais au contraire, interceſſant plusieurs particuliers pour les auoir à leur deuotion. Ils ietterent l'Estat en des hazards tres-dâgereux, cōtre toute formes vſitees aux minoritez des Roys, esquelles ont esté tousiours assemblez des Estats generaux si necessaires que les Roys les ont conuoquez en leur maioritez pour beaucoup moindres desordres que ceux d'apresent. Pleut à Dieu (Madame) qu'il m'eust cousté partie de mon sang, & que les eussiez assemblez incontinent apres le deceds du Roy, vous fussiez en plus grâde & aussi iuste auctorité au gré de l'Eglise, noblesse, & Tiers Estat, la France n'eust perdu ce genereux nom d'Arbitre de la Chrestienté, acquis si glorieusement par le deſſunct Roy. Tiltre qui tenoit la balance entre les deux grandes factions de l'Europe, protegeant la tranquillité publique: & ceste perte est d'autant plus grande & deplorable, qu'il semble que nous



foyons sortis du chemin que le feu Roy nous auoit  
 tracé. On n'eust pas razé la Citadelle de Bourg con-  
 tre l'aduis des Princes des officiers de la Couronne,  
 mesme de monsieur le Connestable. On n'eust pas  
 donné quatre cens mil liures, tant pour le razemēt  
 que pour recompense d'icelle. On n'eust pas preci-  
 pité le mariage du Roy, & de Mesdames ses sœurs,  
 auant que la loy de Dieu, la majorité du Roy &  
 tous les ordres, feussent aprouués. Lesdits maria-  
 ges eussent esté declarez au public, non par la le-  
 cture d'un escript contenant les raisons qu'on auoit  
 eues de les traiter: mais par demander aduis s'ils e-  
 stoient vtiles a faire: Les Parlemens n'eussent esté  
 empeschez en leur libres fonctions de leurs Charges.  
 Les Gouuernemēs des prouinces & places importa-  
 tes n'eussent esté données à personnes indignes  
 & incapables. On eust rasché a reunir les Ecclesia-  
 stiques & la Sorbonne, non à les diuiser & oprimer  
 par vaines disputes en ce temps inutiles. L'auctori-  
 té des Prelats & Ecclesiastiques n'eust esté violée,  
 ains maintenue en son entier. On n'eust donné au-  
 cune charge, ny par faueur ny par argent, l'aduis en  
 eust esté demandé aux Princes Pairs & Officiers de la  
 couronne, pour par vostre Majesté estre apres cōferé  
 à gens capables. Les Ambassadeurs n'eussent esté  
 choisis que par le mesme aduis, leurs instructions  
 n'eussent esté incogneues à tous ceux qui ont in-  
 terest au bien de l'Estat: Nulle despesche n'eust  
 esté receüe sans estre veüe & leüe en presence des  
 desludits; On n'eust point souffert les entreprises  
 faicte sur la Nauarre, & le Mōt-ferrat, ny moins eust  
 esté empesché le renouuellement de la Ligue entre



les Veniciës, & les Grisons, On n'eust rōpu le traité du Mariage proiecté par le feu Roy auec Monsieur de Sauoye, & depuis sa mort confirmé sans meure deliberation & par vne entiere obseruation des Edits de ceux de la religion pretenduë reformee on leur eust osté tout subiect de plainte: On eust reprimé ceux d'entr'eux, qui eussent passé les limites de leur deuoir, l'on n'eust semé entr'eux des diuisions, qui leur faisant songer à leur particulier ont failly à ietter le public de l'estat en peril, l'on n'eust dōné cēt mil escus pour l'achapt d'Amboise, payant de l'argent du Roy les places de sa Majesté, on eust retranché tant de dons immances à personnes indignes ce peu de persōnes ne se feut attribué, les principales charges de l'Estat, sans l'aduis d'aucun Prince, ny d'Officiers susdits: Ces Estats ou le Conseil vous eussent releuée de tant d'importunittez, se chargeant del'ēuie & vous de benedictions.

Vostre Majesté considerera, s'il luy plaist, les desordres susdits, & les suiuan, & par iceux iugera la necessité d'assembler les Estats generaux, seurs & libre, le chastiment des meschans, & la recompence des bōs, le soustien des Monarchies bien ordonnées peruerties, donnent assez à cognoistre le danger de ce Royaume. Tous les Offices de iudicature, & des finances sont montez à pris excessifs, il ne reste plus de recompence pour la vertu. Puis que la faueur, alliance, parenté & argent ont tout pouuoir, & que les finances sont de telle façon profusées que les cent mil pistolles ne coustent rien, mesmes sont employees en choses de neant, & à gēs qui s'ērichissent sās travail du sang du peuple.

Les plaintes, clameurs & larmes destrois Estats, couuent en leur cœur vn feu caché, l'Eglise n'a plus sa splendeur: nul Ecclesiastique n'est plus employé aux ambassades; n'y n'a son rang au Conseil, les beneficiers sont surtaxez de charges & vexations inouïyes: Noblesse appauurie par tailles & impositions du sel? commissions extraordinaires pour auoir de l'argët, toutes leurs denrées sont douanées, tous leurs titres bien que perdus & bruslez, sont recherchez, la Noblesse soustient de la France, terreur des estrangers maistresse de la campagne & vaincrelle des batailles, qui restablit les Sceptres, & releue les Couronnes, est maintenant taillée, bannie des offices de iudicature & de finances, faute d'argent, leur vie & leurs biens en puissance d'autrui prinée de la paye des hommes d'armes & archers anciennement entretenus, & maintenant esclaués de leurs creanciers, le peuple lamente les charges qu'on trouuerra redoublées par vne quantité de commissions extraordinaires depuis la mort du feu Roy: Il faut que tout tombe sur les pauures, pour les gages des riches: Les commissions & les Editz qui auroient esté reuocquez ou surcis incontinent apres la mort du feu Roy, ont esté remis & augmentez: Les Princes & Officiers de la Couronne, auxquels le feu Roy auoit toute fiance, ont esté esloignez, & maltraitez, l'on me rend presque par les discours qui courent, & tous les Princes & Officiers de la Couronne qui me font l'honneur de conuenir avec moy, en mesme aduis comme perturbateurs du repos public. On tient Conseil d'arrester des principaux Princes & Officiers de la Cou-

bonne, bien que sans crime, ce qui paroist auoir esté delibéré contre la personne de Monsieur de Bouillon, le refus faict à Monsieur de Longueuille d'aller exercer sa charge en son gouuernemēt, monstre assez la continuation de leur violence, & ce qui a esté executé en la personne de Monsieur de Vendosme, lequel sans considérer ce qu'il est au Roy, l'amitié particuliere que le feu Roy luy portoit, non accusé innocent de tout crime, sans aucune forme de Iustice, sans aduis d'aucun grand de ce Royaume, on a retenu prisonnier: Ce qui est inuisité en France, singulierement, durant la minorité du Roy, ce que nous croyons n'auoir esté faict par aucun mauuais naturel de vostre Majesté, ny desir de faire iniquité: c'est pourquoy, nous la supplions tres-humblement le vouloir faire deliurer, afin que continuât à bien seruir sa Majesté & l'Estat, il luy monstre par bons effects, comme il a fait, iusques icy n'auoir eu iamais aucune mauuaise intention contre son seruice: On veut persuader à vostre Majesté des'armer, on prend pour pretexte nostre absence

Considérez, madame, que nous procedons par tres-humbles requestes, supplications & remontrances, & non à main armée, & quelles maledictions la France donnera à ceux qui troublans le repos de c'est Estat & tranquillité, acquise par la vertu du deffunct Roy, mettront les premiers les armes à la main: Toute la France ne respire que la paix, & vne paisible & iuste reformatiō de c'est Estat sera il donc dict (madame) que les mauuais Conseils quel'on vous donne, vous portent à emprisonner

les presens & a amer contre les absens, qui procurent vne si sainte refformation, & sont si fidelles seruiteurs du Roy, & de l'Estat, vous donnant par ce moyen vn si ample subiect de gloire.

Cōsiderez ma lettre (madame) & vo' ny trouuerrez rien de nos interests particuliers, ny à nos intentions presentes ny a l'aduenir : vous ne pouuez trouuer mauuais, si plusieurs vous supplient d'vne mesme chose, & tous la desirent : Obligez par leur deuoir, & par l'amitié qu'ils ont contractee par vostre commandement pour pouruoir à tous les accidens cy dessus representez.

Ie supplie tres-humblement vostre Mejesté, de l'aduis de plusieurs Princes, Ducs, Pairs Officiers de la Couronne, Cours Souueraines, Ecclesiastiques, & autres Seigneurs, tant presens qu'absens qui ont veu & aprouué la presente supplicatiō, d'accorder l'assemblée des Estats généraux libres & seurs dans trois mois au plus tard : & ce pendant retenir toutes les choses en estat pacifique, protestant de de nostre part, que nous n'auons desir que pour la conseruation de la paix & bien de cet Estat, & que nous n'attenterons au contraire, si par vne precipitée resolution de nos ennemis, de ceux qui se couurent du manteau de l'Estat sous vostre auctorité, nous ne sommes prouocquez à repousser leurs iniures faictes au Roy, & à l'estat, par vne naturelle, iuste & necessaire deffence.

Supplications tres-humble, que ie fais en qualité de premier Prince du Sang, en l'Estat que ie suis, & sans armes, non ainsi que ceux qui pour profiter de telles assemblées se faisoient des villes, armoient



le peuple & les estrangers, faisoient guerre & paix à leur profit pour vne l'ientenance generale, gouuernemēt des Prouinces & des places, puis aydoient à éluder l'assemblée, sans se soucier de la publique reformation.

Nous supplions aussi treshumblemēt vostre Maieſté suspendre l'exécution du mariage rant du Roy, que de mesdames ses Sœurs, iusques à l'assemblée desdits Estats: Et pour monſtier que nostre particulier n'a nul pouuoir sur nous, Nous remettons au Roy, en l'assemblée desdits Estats libres & ſeur toutes nos pensions & gratifications si la neceſſité de ses affaires le requiert contre les calomnies de ceux qui nous accusent qu'il n'y alloit que de nostre particulier, que nous preferions au public, Medisance de ceux qu'on dit aymer mieux mettre le feu au milieu de ce Royaume, que voir leur autorité eſteinte, Authorité pernicioſe qui ſera renuerſee par nostre iuste & bon Roy. Auquel nous supplions tres humblement vostre maieſté vouloir faire donner bonne instruction, & luy oſter les conſeils de toute partialitez qui luy ſont donnez contre ceux qui ont l'honneur d'eſtre ſes plus proches & ſes plus fideles ſuieſts & ſeruiteurs, & pour ſon cōtētement r'appeller le Cheualier de Vandosme tenir pres ſa Maieſté pour le ſoin de ſa ſanté, perſonne vie, religion & probité requiſe & cogneuē.

Nous supplions aussi tres-humblement vostre Maieſté vouloir pouruoir aux Gouverneurs des places frontieres des deniers ſuffiſans pour vacquer à la conſeruation des places qu'ils ont en garde, Nous recognoiſſons nostre Roy nous eſtre donnée

de Dieu, nous faisons l'obeyssance que nous luy deuons, & n'y manquerons d'un seul point. Nous esperons aussi que tous les Princes Officiers de la Couronne, grands Cours souueraines, Ecclesiastiques & Seigneurs qui sont prests de vostre Maiesté se iointront à mesme desir, & auront tous ensemble préparé à vostre maiesté, le chemin, l'honneur, & la gloire d'auoir reestabli tous les ordres de ce Royaume en leur premiere splendeur & liberté, reformé ce Royaume & rassuré leur repos avec autant de los que si vous en auiez acquis vn autre; Respondans genereusement à ceux qui disent les Estats diminuer l'autorité du Roy? que vous l'aurez affermi & rédu perdurable, Nous vous voulons seruir & assister ausdits Estats ainsi qu'il sera recognu vtile au seruice du Roy à la France, & a la conseruation de l'autorité Royale, & de celle de vostre maiesté estans ses tres-humbles seruiteurs & en particulier ie la supplie tres-humblement de croire que ie suis,

MADAME,

Vostre tres-humble & tres-obeyssant seruiteur & subiet HENRY

DE BOVRBON.

De Mesieres le 19.

Feburier, 1614.

*Lettre de Monsieur le Prince au Parlement de Paris, présentée par le sieur de Fiefbrum, le 22. Feurier 1614.*

**M**essieurs ie sçay que lon preuiendra mes iustes intentions de beaucoup de calomnies & faux bruits tous contraires (ie m'aseure) a l'opinion que vous en prendrez comme m'ayant aussi prattiqué & re-  
congnu que craignant d'alterer quelque chose par mes resolutions que iay eües au seruice du Roy & bien de l'estat, i'ay retenu mes iustes ressellimens & les ay comme enseuelis par ma patience : Mais encores vous en vëux- ie mieux eclaircir, & rëdre cõ-  
me conte de mes actions, à vous di- je que ie recongnois estre la principale tutrice de c'est estat. C'est pourquoy ie vous enuoye la  
coppie de la lettre que i'escriis à la Roynes, par ou i'expose entierement les sainctes af-  
fections quy m'ont meü à me retirer de la Cour pour ne communiquer aux abus qui  
sicõmette par ceux pui manient & disposent des affaires du Roy & de l'estat, en de-  
mandant la reformatiõ avec tres- iuste sup-  
plicatiõ à la Roynes luy en proposant le re-  
mède & requerant comme premier Prince  
du sang suiet du Roy, & qui a le principal  
interest au bien du seruice de sa Maieste.



N'ayant pour toutes armes que mes  
tres humbles prieres à sa Maïesté, comme  
vous le verrez par la coppie que ie vous en-  
uoye vous suppliant humblement: Messie-  
urs de nous assister de vos conseils & au-  
thoritez en vne si loüable & raisonnable en-  
treprise, comme les plus considerables au  
seruice du Roy & reformatiõ de l'Estat, Ce  
faisant vous vous acquiterez du deu de vos  
charges & acquerrez gloire & reputation,  
demeurant  
Messieurs,

*Vostre tres-humble & tres  
afectionné seruiteur,*

HENRY DE BOVRBON.

*De mezieres ce 18 Feurier 1614.*

LETTRE DE MONSIEVR DE  
NEVERS  
A LA ROYNE.

MADAME.

**M**I'ay desia dõne aduis á vostre Maïesté,  
de la rebellion qui auoit esté faicte contre  
l'autorité du Roy, par ceux de la Citadel-  
le de cette ville: Maintenant ie luy donne  
celuy de l'obeïssãce que ie luy ay faict rēdre  
estans sortis, & me l'ayant remise entre les  
maïs: A la seureté de laquelle i'ay pourueu

pour y estre vostre Maiesté obeïe, ainsi qu'elle le peut esperer de moy, estimant qu'elle mettra en cōsideratiō la desobeïssance qui ma esté rendue par le Marquis de la Vieuille, ē la charge qu'il à pleu au Roy me donner en ceste Prouince. Cest exemple pouuant tirer vne consequēce commune & generale à tous les Gouverneurs de ce Royaume. Je supplie tres-humblement vostre Maiesté, Madame, en vouloir cōmander la Iustice telle que l'estimerez necessaire pour garder l'authorité du Roy, & en laquelle ie puisse trouuer le cōtente-mēt que vostre Maiesté mesme iugera raisonnable. veu que ceste ville est soubs ma charge, & à moy qui rēd mon resētīmēt d'autant plus cōsiderable: Aquoy ie supplie vostre Maiesté d'auoir esgard, & de croire que ie suis.

*Vostre tres-humble & tres-obeissant seruiteur & subiect.*

NEVERS

*Lettre de monsieur le Prince de conde à monsieur le Prince de Conty.*

**M**onsieur Ie ne sçauois assez regretter que vostre sancté soit vn iuste empeschement à ne vous voir selō vostre courage

affectionné au seruice du Roy , par vostre Prince, à ce qui est de nos Scinceres intentions, dont par l'ëuoy de ce Gëtïl-homme & coppie de la lettre que iescris à la Royne Vous congnoistrez la verité. Ie vous supplie donc ( comme estant du sang Royal ) cômè proche du Roy, interressé à l'Estat, & mon seul oncle secôder, ou vostre indisposition vous retient nos iustes dessains , tendant sans armes à la reformation de l'Estat. Surquoy l'õ arme nõ pour sauuer l'Estat : Mais pour conseruer l'ambition de ceux qui sont causes de ses desordres. Aydez aussi, ie vous supplie par vostre courageuse intercession, à la deliurance de monsieur de Vendosme & a la correction des desordres, par vne assemblée d'Estat, que ie requiers à sa Maïesté Aquoy ie vous supplie vous ioindre, Vous suppliant me tenir à iamais,

Vostre bien humble Nepueu & seruiteur,  
HENRY DE BOURBON.

*De Mezières ce 1<sup>er</sup>, Feurier 1614.*



